

ԲՅՈՒԼԵՏԵՆ

Մարտ 2026թ.

ԽՈՐՀՐԴԻ ՆԻՍԵՐ

Մարտին գումարվել է Պալատի խորհրդի 5 նիստ՝ 10.03.2026թ. -ին, 17.03.2026թ. -ին, 23.03.2026թ. -ին, 26.03.2026թ. -ին և 31.03.2026թ. -ին:

10.03.2026թ. նիստի օրակարգում ընդգրկված էր 5 հարց: Նիստի ընթացքում հաստատվեցին Պալատի աուդիտորի և փորձագետ հաշվապահի որակավորում շնորհելու, Պալատին անդամակցելու համար դիմած ֆիզիկական անձանց Պալատի անդամ ընդունելու, Պալատի փորձագետ հաշվապահ անդամի անդամակցությունը դադարեցնելու, Պալատի հանձնաժողովների 2025թ. տարեկան գործունեության հաշվետվությունները հաստատելու մասին որոշումները:

17.03.2026թ. նիստի օրակարգում ընդգրկված էր 3 հարց: Նիստի ընթացքում հաստատվեցին Պալատի հարկային և իրավական այլ հարցերի, որակավորման հանձնաժողովների 2025թ. տարեկան գործունեության հաշվետվությունները, նախնական քննարկվեցին օրենքների փոփոխությունների՝ շրջանառության մեջ դրված նախագծերի փաթեթը, ինչպես նաև քննությունների կազմակերպման գործընթացի բարելավմանն ուղղված առաջարկությունները:

23.03.2026թ. նիստի օրակարգում ընդգրկված էր 1 հարց: Նիստի ընթացքում քննարկվեց Պալատի անդամների արձագանքը «Հաշվապահական հաշվառման մասին», «Աուդիտորական գործունեության մասին» և «Հաշվապահական հաշվառման և աուդիտորական գործունեության կարգավորման և հանրային վերահսկողության մասին» ՀՀ օրենքներում փոփոխություններ և լրացումներ կատարելու նախագծերի վերաբերյալ, որի արդյունքում ձևավորված դիրքորոշումը որոշվեց ներկայացնել ՀՀ ֆինանսների նախարարություն:

26.03.2026թ. նիստի օրակարգում ընդգրկված էր 9 հարց: Նիստի ընթացքում հաստատվեցին Պալատի աուդիտորի և փորձագետ հաշվապահի որակավորում շնորհելու, Պալատին անդամակցելու համար դիմած ֆիզիկական անձանց Պալատի անդամ ընդունելու, Պալատի փորձագետ հաշվապահ անդամի անդամակցությունը դադարեցնելու

և որպես աուդիտոր անդամակցելու, Պալատի ֆիզիկական անձ անդամների անդամակցությունը դադարեցնելու, Պալատին անդամակցելու համար դիմած 2 իրավաբանական անձանց Պալատի անդամ ընդունելու, Պալատի անդամ աուդիտորական կազմակերպության նկատմամբ ԿՊՄ կիրառելու մասին որոշումները:

31.03.2026թ. նիստի օրակարգում ընդգրկված էր 6 հարց: Նիստի ընթացքում հաստատվեցին Պալատի աուդիտորի և փորձագետ հաշվապահի որակավորում շնորհելու, Պալատի անդամի անդամակցությունը դադարեցնելու մասին որոշումները: Քննարկվեցին նաև Պալատի անդամների ՇՄԶ կարգի լրացման, Արտաքին գնահատման գործընթացում մասնագիտացված կառույցի ներգրավվածության մեխանիզմի, Պալատի կողմից իրականացվող աուդիտորական ծառայությունների որակի հսկողության պահանջների պահպանման արտաքին գնահատման գործընթացում փաստաթղթերի հավաքագրման, փոխանցման և պահպանման կարգի վերաբերյալ հարցերը:

ՀԱՆՁՆԱԺՈՂՈՎՆԵՐԻ ՆԻՍԵՐ

Որակավորման հանձնաժողով


Որակավորման հանձնաժողովը գումարել է 3 նիստ՝ 05.03.2026թ. -ին, 17.03.2026թ. -ին և 26.03.2026թ. -ին, որոնցում ընդհանուր թվով աուդիտորի որակավորում է շնորհվել 5 անձի, փորձագետ հաշվապահի որակավորում՝ 11 անձի և հավանություն է տրվել որոշակի դասընթացներ ՇՄԶ ճանաչելուն:

Անդամակցության հանձնաժողով


Հանձնաժողովը գումարել է 3 նիստ 02.03.2026թ. -ին, 21.03.2026թ. -ին և 24.03.2026թ. -ին, որոնցում որոշել է առաջարկել Պալատի խորհրդին՝ հաստատելու 12 ֆիզիկական անձանց և 2 աուդիտորական կազմակերպության («Թիվիէս Ընդ Փարթներս Խորհրդատվական Խումբ» ՓԲԸ և «ԷԿՈՆՈՄԻԿՍ ԱՌԻԴԻՏ» ՍՊԸ) անդամակցությունը Պալատին:

ՇԱՋ ԴԱՍԸՆԹԱՑՆԵՐ


04.03.2026թ.-ին տեղի է ունեցել «Կրիպտոակտիվներով ծառայությունների կարգավորումը ՀՀ-ում» թեմայով դասընթացը: Այն վարում էր **Վիգեն Շահնազարյանը:**




12.03.2026թ.-ին տեղի է ունեցել «Ավելացված արժեքի հարկ. Հարց և պատասխան» թեմայով դասընթացը: Այն վարում էր **Ասանթ Ալոյանը:**




13.03.2026թ.-ին տեղի է ունեցել «ՀՀ հարկային օրենսգրքի և կրկնակի հարկումը բացառող համաձայնագրերի շրջանակներում ոչ ռեզիդենտի շահութահարկով հարկման ընթացակարգերը և հիմնական հարցերի ու խնդիրների քննարկում» թեմայով դասընթացը: Այն վարում էր **Հովհաննես Յանիկյանը:**



16.03.2026թ.-ին տեղի է ունեցել «Թեմատիկ հարկային ստուգումներ» թեմայով դասընթացը: Այն վարում էր **Պետիկ Մկրտչյանը:**



20.03.2026թ.-ին տեղի է ունեցել «Շահութահարկ, հարց և պատասխան» թեմայով դասընթացը: Այն վարում էր **Գոհար Օհանյանը:**



Պալատի որակավորման դասընթացների մեկնարկ

2026 թվականի մարտի 24-ից Պալատի գրասենյակում (Մոնթե Մելքոնյան 46/2 հասցեում) տրվեց Հայաստանի աուդիտորների և փորձագետ հաշվապահների պալատի որակավորման ծրագրի հերթական դասընթացների մեկնարկը: Դիմորդների մասնակցության՝ վերջին տարիներին արձանագրված և շարունակաբար աճող բարձր ցուցանիշը վկայում է մասնագիտական ոլորտում առավել խորը գիտելիքներով և հմտություններով զինվելու, ժամանակի թելադրած պահանջներին և միջազգային չափանիշներին համահունչ քայլելու և դրանով իսկ մասնագիտական առաջընթացի և հաջողության կայուն երաշխիքներ ապահովելու դիմորդների անշեղ ձգտման և Պալատի կողմից դրան տրվող համարժեք արձագանքի մասին: Պալատի բարձր որակավորում ունեցող մասնագետների աջակցությամբ նրանց նպատակները կդառնան առավել հասանելի և իրական, իսկ անցնելիք ճանապարհը՝ ավելի դյուրին:

Լավագույն մասնագետները՝ մեկ հարթակում Այս խորագրի ներքո ներկայացվել են Պալատի որակավորման ծրագրի դասընթացների դասախոսները:

